

Brčko, 26. mart 2020. godine

PORUKA DEKANA EKONOMSKOG FAKULTETA BRČKO STUDENTIMA,
NASTAVNICIMA, SARADNICIMA I SVIM ZAPOSLENIMA NA FAKULTETU I
UNIVERZITETU

Tok događaja u životu ne zavisi od nas, nikako ili vrlo malo, ali način na koji ćemo te događaje podnijeti, u dobroj mjeri, zavisi od nas. (Ivo Andrić)

Dragi studenti, drage kolegice i kolege!

Počecu s porukom: **Nastava nije otkazana, samo je dobila novi oblik!**

U mnoštvu, uglavnom pozitivnih, poruka dobio sam i ovu:



Ovoj listi poruka može se dodati i ova: **nastava nije otkazana**. Zaista, nastava nije prekinuta, već se odvija na drugačiji način, intenzivnije nego ikad. U toj nastavi zblížili smo se sa studentima, postali njihovi istinski prijatelji. Doduše, bili smo i ranije, ali sada smo i mi i oni to primijetili. Studenti nam šalju eseje, rješenja zadataka, pristupne i seminarske radove, ali i poruke ohrabrenja, nade i optimizma. Jedna od tih poruka je i ova koju sam naveo.

Hvala vam dragi studenti! Hvala i vama drage kolegice i kolege koji ste se javili na razne načine: telefonom, elektronskom poštom, preko društvenih mreža i na druge načine.

Dragi nastavnici i saradnici!

Hvala vam što ste počeli da komunicirate sa studentima različitim oblicima komuniciranja i e-nastave i što uvažavate njihove sugestije, prijedloge i mišljenja. Počeli smo intenzivno da se koristimo savremenom informacionom tehnologijom. Možda smo malo i pretjerali u tome. Studenti, oprostite nam ako smo vas zatrpali mnoštvom zadataka, elektronskih poruka, uputstava i raznoraznih sadržaja.

Nastavnici i saradnici, molim vas da ne tražite od studenata da odmah odgovaraju na vaše zahtjeve. Imaju oni i drugih obaveza. To su mladi ljudi. Dosta im je što ne izlaze, što se ne druže, što se ne bave sportom. Većina njih pomažu starijima, roditeljima, prijateljima, susjedima. Neki su uključeni u Civilnu zaštitu, Crveni krst i druge organizacije. Sve će ovo proći i sve će se nadoknaditi. Teško može da se nadoknadi njihova izgubljena mladost. Njima, kao i nama, svaki minut je dragocjen i potreban.

Dragi studenti!

Vi ste na početku života. Neki od vas rođeni su u ovom milenijumu, u 21. vijeku. Svi vaši nastavnici i saradnici rođeni su u prošlom vijeku. Savremenici smo vaših roditelja, koji su, kao i mi, preživjeli mnoge teškoće: posljedice Drugog svjetskog rata, krizu i ratna zbivanja devedesetih, poplave 2009. i 2014. godine i druge nedaće. Prekaljeni, iskusni, strpljivi i s vjerom da će svi ti nemili događaji jednoga dana biti prošlost prevazišli smo nedaće, preživjeli i puni elana i entuzijazma okrenuli se budućnosti. Vjerujte i vi, studenti, **uskoro će sve ovo biti prošlost** i svi ćete se vratiti na predavanja, aktivnostima na Fakultetu, živjeti, polagati ispite, izlaziti, zaljubljuvati se, zabavljati, slaviti, baviti se sportom, ići na ekonomijade, univerzijade, apsolventske ekskurzije.

Dragi studenti, mi smo s vama i vi ste s nama. Kao da vas vidim u amfiteatrima, u učionicama, u kabinetima. Tu ste svi, niko nije odsutan: Anela, Marina, Anis, Aleksandar, Marija, Dženana, Nedeljko, Emina, Dragana, Irena, Milica, Jasmin, Ivana, Pero, Sahmir i svi ostali. S nama je i Edin, koji se zdrav vratio iz Rusije. Tu su i Alina i Katarina, studentkinje iz Rusije, koje su se, takođe zdrave, vratile iz Brčkog kući, u Rusiju. Svi su prisutni, **nastava nije prekinuta**.

Poštovani rektore, prorektori i kolege dekani!

Hvala vam što ste uvijek s nama, na zadatku, i što nam svakodnevno, na različite načine, dajete sugestije, uputstva i podršku za savladavanje svih ovih teškoća. Samo zajedničkim radom, naporima i nastojanjima moći ćemo da prevaziđemo probleme i krenemo u oporavak, normalizaciju i unapređenje poslova i stanja na Univerzitetu.

Tehničkom i administrativnom osoblju!

Hvala vam na dodatnim naporima koje svakodnevno ulažete u nastojanju da se održava minimum procesa rada i ublaže posljedice novonastale situacije. Svakodnevnom napornim radom dajete veliki doprinos savladavanju i ublažavanju posljedica.

Dragi prijatelji!

U želji da se ova situacija što prije stabilizuje i da se što prije vratimo svakodnevnom obavezama i aktivnostima, završiću ovo obraćanje mišlju Meše Selimovića:

Znaš li šta je najljepše u životu? Želja, prijatelju!

Dekan Ekonomskog fakulteta Brčko
Lazar Radovanović